

VENDIM
Nr. 124, datë 1.12.2014

**PËR FILLIMIN E PROCEDURAVE PËR LICENCIMIN E SHOQËRISË
“DRAGOBIA ENERGY” SHPK NË AKTIVITETIN E PRODHIMIT TË ENERGJISË
ELEKTRIKE NGA HEC-et “CEREMI” DHE “DRAGOBIA”**

Në mbështetje të nenit 8, pika 2, germa “a”, nenit 9 dhe nenit 13, pika 1, germa “a”, të ligjit nr. 9072, datë 22.5.2003, “Për sektorin e energjisë elektrike”, të ndryshuar, nenit 4, pika 1, germa “a”, dhe nenit 10, pikat 1 dhe 3 të rregullores “Për procedurat e licencimit, modifikimit, transferimit të plotë/të pjesshëm dhe rinovimit të licencave”, të miratuar me vendimin e Bordit të Komisionerëve nr. 108, datë 9.9.2008, nenit 18, pika 1, germa “a”, të Rregullave të Praktikës dhe Procedurave të ERE-s, miratuar me vendimin e Bordit të Komisionerëve nr. 21, datë 18.3.2009, i ndryshuar, Bordi i Komisionerëve i Entit Rregullator të Energjisë (ERE), në mbledhjen e tij të datës 1.12.2014, pasi shqyrtoi aplikimin e paraqitur nga shoqëria “Dragobia Energy” sh.p.k., si dhe relacionin e Drejtorisë së Licencimit dhe Monitorimit të Tregut dhe Drejtorisë Juridike dhe Mbrojtjes së Konsumatorit për licencimin në aktivitetin e prodhimit të energjisë elektrike të kësaj shoqërie,

konstatoi se,

Aplikimi i shoqërisë “Dragobia Energy” sh.p.k., plotëson pjesërisht kërkesat e parashikuara nga ERE në rregulloren “Për procedurat e licencimit, modifikimit, transferimit të plotë/të pjesshëm dhe rinovimit të licencave”, si më poshtë:

- Format i aplikimit (neni 9, pika 1) është paraqitur dhe plotësuar në mënyrë korrekte.
- Dokumentacioni juridik, administrativ dhe pronësor (neni 9, pika 2) është paraqitur dhe plotësuar pjesërisht.

(Mungon struktura e ndërtimit dhe funksionimit administrativ e shoqërisë.)

- Dokumentacioni financiar dhe fiskal është plotësuar pjesërisht.

(Mungon vërtetimi për shlyerjen e tatim-taksave).

- Dokumentacioni teknik (neni 9, pika 4.1.1, pika 4.1.2, 4.1.3) janë plotësuar pjesërisht. (Janë pa plotësuar të dhenat teknike për HEC-et nga aplikuesi. Janë pa plotësuar të dhënat teknike për bllokun e transformimit nga aplikuesi.)

- Dokumentacioni teknik neni 9, pika 4.1.3 është plotësuar korrekt.

- Neni 9, pika 4.1.4, dokumentacioni tekniko-ekonomik është plotësuar pjesërisht.

(Mungojnë studimi i fizibilitetit, grafiku i zbatimit të projektit dhe plani i biznesit.)

- Leje nga institucione të tjera. (Neni 9, pika 4.4.5) është plotësuar korrekt.

Për dokumentacionet e munguara do të njoftohet subjekti që në bazë të rregullores “Për procedurat e licencimit, modifikimit, transferimit të plotë/të pjesshëm dhe rinovimit të licencave”, neni 10, pika 10 dhe neni 11, pika 1, t’i paraqesë këto në ERE brenda afateve.

Për gjithë sa më sipër, Bordi i Komisionerëve të ERE-s

VENDOSI:

1. Të fillojë procedurat për shqyrtimin e aplikimit të shoqërisë “Dragobia Energy” sh.p.k., për licencim në aktivitetin e prodhimit të energjisë elektrike nga HEC-et “Ceremi” dhe “Dragobia”, me fuqi të instaluar “Ceremi” 8.6 MW dhe “Dragobia” 13.4, me fuqi totale 22 MW.

2. Ngarkohet Drejtoria e Licencimit dhe e Monitorimit të Tregut të njoftojë aplikuesin për vendimin e Bordit të Komisionerëve të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

KRYETARI
Petrit Ahmeti